

擇石齋持集

蕲石齋詩集卷第九

秀水 錢 載 坤

丁卯

獨行

獨行向京闕瞻旭如夕曛昔行父母送今與妻子分
殯在堂母兮松柏墳行止不自由在世徒紛紜仲季貧且居
季去當湖濱悠悠復悠悠我哭大應聞

淮安

隱隱沙河下勞勞畚鍤餘廟堂難棄地城市恐爲魚漂母
祠邊飯婆羅樹底書謀身同野雁爾亦少安居

雨泊二首

孰使長淮接難將細雨過推篷夜昏黑擁被淚滂沱及葬財

寧有遄歸路已多素帷知冷暖痛不見兒何
守墓何人是辭家此歲偏烏飛猶不死梗汎坐無田家婦持
燈侍諸孫奉奠前獨乖襟上血風浪濁河邊

鐵犀行

風聲波聲雨乍收清口未得行吾舟

御詩亭左鐵犀一發岸突見蒼蟠蚪維金冠木上制水紀年

弗較銘辭優

銘曰維金冠木蛟龍藏維土制水龜蛇降飾犀作錦製淮揚
水除悍熱報吾皇康熙辛巳午日鑄監造官王國川

豪筋

雋骨是四跪側首西望洪河流維時沈璧明德遠告成亦煎

輪良籌冶雲赤天爾體具用詔未雨之綢繆前年梅黃溢高

堰一錯勢欲無高郵民饑宵聞帑朝賑去年又溢淮陽愁爾

惟坐視衆力竭幸不滅沒隨輕鷗依然水退背生蘚臥岸屹

屹同懸疣昨者鹽官亦此鑄海門東望驚濤秋海犀河犀職

各修不職乃貽黃屋憂

謁仲子廟

小集曉煙青人聲歇船驟登岸見遙山出雲若饋餽碑惟明代餘地是橫坊舊心嚴入廟時泣下摳衣後負米及親存雖貧亦何疚

王瓜園

高塚麒麟指道旁灑然風下笠檐涼行人自憶騎驢句老柳都無舊日行

丙辰五月過此賦騎驢絕句云葛衫草笠港風輕端背青山坡而生一直柳陰涼似水龍蟬聲裏出東平

見拾麥穗

不行青齊野豈識大小東麥黃及脛短那企蒿與蓬齊人曲腰割身出憔悴中一升匪一束穗穗頭皆空有畦割且竟無畦腹焉充鄰家所遺穗婦女來筐籠齊心競此拾使指收其

功目焦土氣涌背坼日景烘獲多去緩緩意少回怱怱休者
柳陰坐乳兒還負童我行行未已不雨日日風奈何齊女醜
直與烏鴉同

五月五日先孺人忌日次商家林痛成

是日首長延頻年有父憐倉皇胡作客疾痛只呼天曠野麻
衣影幽堂角黍筵應無人供得苦語到遊燕

趙北口追憶丁巳春借馬副使維翰南歸

板橋官柳比江村二月歸鞍得其論泉下已成消息斷日邊
猶遣畫圖存綠蕪細雨飄隋苑落景寒潮打白門回首舊遊
都似夢耶將金縷與招魂

晉陽卷

書策分餘地闡黎亦世情齋堂恰方丈坐臥與經行古佛已

無相涼風初有聲綠槐高鬱鬱至晚一蟬鳴

舊有古銅觀世音像高三尺餘下識云大唐

貞觀□年尉遲敬德監造

題唐希雅水鳩鶻鷂秋景卷子二首

南唐金錯刀顛作棘檟枝蝦蟆與田鼠變化乃爾爲
水鳥飛不去蘋蓼陂塘秋翠花雜紅子風戛筠竿修

南池杜文貞公祠詩爲沈侍御廷芳作

曲聲迎送神爲誰許主簿配杜拾遺清溝古木冷侵郭藻蔓
蒲芽疎映陂誦公佳句踏公跡此地不可無公祠故居成都
冪松竹元祐繪像畱詩碑耒陽顏垣隱斜照斜日隱顏垣徐介耒陽杜工部祠堂句
汨羅競以鞞洲疑人心肅欽鬼神聚盼鸞更戀平生私涼秋
魯郡司馬治歷眺況在趨庭時州人香火集春社墨客壺觴
瞻鬢絲文貞易名榜高揭攷典惜自中人爲許十一故稱長

者尙來對雨擎深卮我謂州人亦何幸酒樓太白長風吹祠
堂相鄰出秀樾勝槩俯仰方兼之任城他年有蒼碣天寶一
老真吾師巴巫荆楚兩未到重爲侍御生遐思

苑西四首

大士菴中月垂楊樹頂蟬向人都不暑爲近九霄煙
引泉遙鑿地積土曲爲山桃實高低熟春朝雨露顏
虎圈陰涼處斜連御馬槽廣場豐草牧落日晚風嗥
港靜泊龍舟舟邊菡萏秋香山金碧色映到面西樓

侍從叔祖少司寇陳羣齋恭讀

皇帝御製玉甕歌時公方恭和元韻命擬和一篇謹成

御製詩序曰玉有白章隨其形刻爲魚蝦出沒於波濤之狀大可貯酒三十餘石蓋金元
舊物也曾置萬壽山廣寒殿內後在西華門外真武廟中道人作茶甕見輟叻錄及金熬
退食筆記命以千金易之
仍置承光殿中而繫以詩

百神懷柔四海訖

聖人之應

瑞應圖玉璽者聖人之應也

千金易

入聲

得誇寶助并韻歌

成陋博物瓊華島青卽萬壽花木株株掩崖骨塊詭織妍歸

獨存天上高寒有蟾窟

卽經瓊華島賦收萬方之瑣詭盡九土之纖妍又小

玉殿邊大玉海海光玉氣芒乎芴

元史至元二年十一月濟山大玉湖成勅置廣寒殿帳掛絳廣寒殿中有小玉

殿蓬萊自密秋宵鑰不記揚塵與漂汨荷葉樣傳御用監朱

闕積水愁蕪沒

燕都遊覽亭御用監院中有小亭亭內一玉色青碧開以照景白章刻作雲霧蛟龍海馬諸形口而隨其勢爲高低延袤如荷

葉榻中有積水外以朱闌障之想卽元時廣寒殿中物也琳宮記憶蒙

宣至

恩許承光若山屹稻梁黍醴未深貯暖暖中窪外呵噉鯨潮

狔浪風迴感噉月噴雲波起歛

拾遺記噉月隱形似豹又瀛洲東有魚長千丈噴水爲雲介蟲猥

復長靈蟠一解寧須及蟊蚋神山縹緲六鼈首驛馬噓天太

奔突昔聞水怪龍罔象今少妾魚鱗鱗我

皇求舊來古物時維六月方食鬱彭亨其腹哆其口其色差

同黑青黻甃城高高殿如蓋也臨海子清於渤白章者壽位

乎中俸檜官松柯謾杙回瞻舊地等無暑五彩網緝各翫蔚

徐世隆廣寒殿上梁文應清風等故事載司成集山上帝生有雲霧浮空網緝五彩當時龍榻前頭架酒波初拍香

初拂輟耕錄內宮金瓶玉龍御榻前架帶玉酒壺一豈識金鹽并玉鼓人閒況落塵沙劫正

衙漆甃儕輕重玉斧華軒交鞬鼓輟耕錄元會初殿前木質銀裏漆甃一十餘石又勢正齊以香水玉甃造殿時物摩挲覆可樹團團邪許攙須夫

也會朝時則一人執之立於酒海之前乞乞何年齋白受辛多夜雪齋廚寒榻榻遺材乃遘昌運

起

天筆蒐奇鎮燕碣臺上金惟郭隗師山中璞勿陵陽別絕藝

成斯定誰手曲刀削之曲鑿厠假山緲鐵升沈異輟耕錄又有玉假山一玉榻鐵

懸殿復出無虧慎彘打只今大置合歡釀上壽躋堂莫敢不

之後

非徒殷跡作周監

翰林記明宣宗坐廣寒殿召翰林備臣命周覽山川形勢既畢曰茲山茲宇元順帝所日晏遊者也豈不可感侍臣叩首曰殷

之跡周之監也

欵器衢尊對何艱

少司寇公出觀趙文敏公書史記汲黯傳冊

庭虛過槐雨簾卷生篆煙論書復看畫古意紛來前楷法示
吳興歐褚相蹄筌鈔於松雪齋謁告之明年宋刻藏漢書非
從宋本傳歐趙錄金石此刻無聞焉款云延祐七年九月十三日吳興趙孟頫手此傳於松雪齋此刻

天請公作臨本宣德申長晟

曉發新城行十里登舟至雄縣用蘇文定公郭熙

橫卷韻

溼雲堆路路失平雲斷不識村莊名野翁出看夜來雨粟葉

響露瓜花傾板橋影壓劉李尾涼意更較江南清小船載人
亦載馬馬立照水矜紅纓一灣一堤煙柳直五里十里風蘆
橫田家憂潦漁舍喜對面各自懷陰晴長蛇帶塞宋時業六
符驕語猶分明卻因入淖柅車轄遂得訪古經身行掠舫鷗
雙或鷺隻見客欲送還先迎大雄蒼蒼近瀛鄆有夢已落公
孫城長安昨來亦何爲輒事鞭轡東南征篙師知我畏衝暑
到岸指點朱霞生

蓆帽

麥稈儀容簡村姑制作新圓隨荷葉大密較筍皮勻也竊棲
山號能障踏省塵商家林裏物取用及行人

安德驛遇潦過津期店

改路盤村數騎幽排穿翠黍出荒洲綠低棗樹憑妨帽黃爛

棉花那索裘橋已沒欄鞭誤指窪真藏險轡勤收寄聲魴鯽
無相笑我亦寧懷涸轍憂

腰站南遇潦

釣魚齊浸綠楊灣洗馬仍浮碧草灘梁葉影成蘆葉響南人
檝借北人鞍秋前半月多風雨濟北千村互溼乾未必高窪
豐歉異獨教行路壅知難

謁孟子廟

幼讀七篇書今瞻泰岱如難言浩然氣甚近聖人居母道鳴
機內天心改邑餘傍檐出古柏雲接嶧山疎

庭中井一康熙十一年
春雷震後出卽古孟井
也

曉行嶧山下

清泉不知名時漚馬足前秋心動高柳上有飲露蟬旭彩嶧

之陽其陰積蒼煙屢聽特多骨衆山星其然秦碑何功德復
見元祐年我願孤桐枝鼓以南風絃

柳前雨

殘月茅檐如有情路乾促我隨人行嵐霏初闌雨點驟月不
隨人隱雲後征衣淋漓寒於秋亟語我馬樹下休山家門關
人正宿爾時只可投佛屋道人持燈出云云定裏馬嘶林外
聞一甌供客茶甘苦世味須臾違敷武天明指示木槿花高
枝歷雪松陰斜我本不知道人處道人送我我仍去南來者
誰告僕夫雨外一里雨卻無日光青紅動山陽曲蒲迢迢馬
蹄入我今作詩記柳前人生行止寧非天

拜閔子墓

豁達符離北祠堂舊壠秋

寰宇記家在符離縣東北九十里

費公追宋代魯地本

青州曾木常難待顏瓢亦可憂心悽不能去洗絮尙名溝

臨淮

桐柏秋來盛城空水半扉橋行連舫巨吏坐算緝微雲母仙
誰餌莊生蝶自飛南轅如就暑背汗少生衣

定遠夜雨

飄灑漆園陰曲陽城乍深僕夫甘寢耳晚稻勃興心地勢盤
岡複秋容帶樹森明朝騎馬滑且與寫涼襟

廬州城外白蓮

金斗驛東別曉煙施水昏鞭絲溼秋氣已轉南城根白花露
方泣翠葉風多翻脈脈冷無際迢迢愁不言堤柳一相拂若
笑何嬋媛得非蘭芝女化此寂寞魂皎潔奪波色稀疎出沙
痕伊人不可褻檻外香浮墩

宋包孝肅公書處曰香
花墩在城南水中央

舒城

鵲鴣聲近郭雨欲遣詩來地有桐鄉愛人非大歷才母家粉
社改客舍藕池回采采虛芳藻無由薦一杯

先朱猶人世父振康樂
已未進士今此有惠政

祠名

梅心驛南山行二首

好山濃淡綠高低橫扁將軍著色齊恰似舊遊春雨後鉢盂
潭近玉岑西

塢裏秋田穞稔平田分澗水逐人行一行白鷺乾于雪落回
松梢正晚晴

桐城

古墓千秋愛荒祠一疏忠山川靈自聚俯仰道應同畫亦憐
居士禪猶憶曼公清流與叢灌邈邈郭西東

天柱峯出雲歌

昨朝望峯峯筆尖一峯青出羣峯

魏郭勝正天柱閣詩羣峯奔來一峯起

今朝峽

道其左桃花色雲驚所瞻筆尖不沒千丈頂肩腰覆抱濃如

黏其下全山骨純紫獻疑謂照晨光暹餘峯自碧身自露餘

雲自白心自驚茲獨吉貝彈鬆鬆輕茜染之久噴吐明而相

透層層興輒不欲飛片片駐五里十里縵縵華赤霄絳霄亭

亭媵藏精降神濤固然

徐鉉瀟山序於此藏精降神

漢武南嶽根株連含陽而

起可無爲司命君住司元天

唐玄宗夢九天司命真君現於天柱山置祠宇

爲霖豈私皖伯

國歡喜自指書生

法華經雲有七德合水電光雷聲歡喜擁蔽普覆清涼

花色蒸空又何溼

繽紛錦曳演濛煙我隨雲行雲已後踟躕馬蹄迴馬首三祖

塔邊月茫茫七星池上風颯颯勢參吳楚雲將孤

孫僅臨山詩勢參吳楚分

壑判陰晴雲族偶雲中不入轉山前豁達秋原幾培塿

墜馬

二郎河畔柳吹夢忽無憑馬豈中心醉吾如厥角崩安陵盤
未得金戟拓何能萬慮成清涕詩人誠薄冰

過黃梅

露氣復風聲停前驛南柳蕭蕭斷續閒送我緣山走山迴見
佛場竹密擁蜂牖意內一株松蒼然壯茲阜其巔有清池此
際開白藕上座爾爲誰誰春碓坊曰蒼蘆香自深旃檀蔭方
厚空餘會法人四百四十九嶢嶢破額西江冷蘋花否借宿
亦悲心碧空屢回首

孔壠曉行

連朝見稻堆縛樹或簑挂未割半青黃纔割就田曬西田割
欲齊東田種不懈屨水穴高堤新苗復盈界昨日白河邊

魚柳陰賣采棉女兒筐青布作裙袂洵知楚鄉豐農務曷由
敗今朝堤上行所見益如畫家家水一池蒹菻吐清瀟鷺飛
鴨唼涼上有樹風快水多板橋平園少竹籬壞修蔓瓠花開
大葉芋頭拜黍粱況各陂藍黥亦臨澮促織無停聲疎疎溼
處話村北山幾層村南江幾派廬山隔江來羨此持麥杷

聽石齋詩集卷第九

蘓石齋詩集卷第十

秀水

渡潯陽江

彭澤浮何處江州隱郭門威公多大節處士實曾孫翠色迎
帆聳秋聲挾浪歎客愁聊遣得未見荻花翻

東林寺觀王文成公次邵二泉韻詩壁卽用其韻

奎章之記沒碧草集賢之疏失完好東林寺碑已作遊孟瓶山門疏僅存一段白蓮

色壞似僧衣只有廬山不知老松聲泉聲秋自哀林中取徑

橋邊開年餘二百壁一丈讀詩有客今朝來墓上征西空俛

首二豪且侍東臯酒公詩富貴何如一杯酒時命適與功名借用王荆公裴君公平淮右題名

句手勒紀功公不朽陽明洞深卽金庭三洲何必鳥與汀詩公

乘風我欲還金庭三洲弱水連沙汀西林鐘晚莫催去山色墨光吾眼青

蘓石齋詩集卷十

一

南昌旅夜用李參政韻一首

夢來碧草徧墳場

吳語蘇前地曰墳場

後疎更失梓桑萬里天風吹汗

漫十分秋月照悲傷滄翁社裏詩宗杜仙子軒中韻寫唐縱

是是有心關不得章江休作雨聲狂

問訊麻姑隔道場人間辛苦奈滄桑高城蟋蟀金缸冷遠道

芙蓉玉露傷孝女碑殘空記柳上官鐘墮自銘唐

參政駐饒州有柳宗元饒娥

碑又紫極觀鐘唐鐘也銘詞天水仰開國公上官經野妻扶風郡君韋氏奉爲云

歸心且欲臨彭澤落日扁舟一

放狂

生日南昌登樓

淚落應何處風吹卻此樓孤兒身是客暮景水空流地迴斗

牛紫天清蒲柳秋厭原山總好只不解離憂

金學使德瑛邀同蔣孝廉士銓過百花洲

擔上花枝滿市黃東湖猶得補重陽
雨風及客天齊送亭樹
非舟壑宛藏一幅蕭疎秋樹對此心冷澹
古人將荷枯萍冷
闌干外可有雲卿菜許嘗

得與朱明府沛然相見南昌題其小影卽以志別

二首

筠州五歲信音稀三夜吳興夢見非

辛酉秋夕別于二觀齋乙丑丙寅于碧浪湖陰三夢見之昨

入

帝京先已發忽臨江水蹇相依形如病驥休官好味似勞薪
賦命違與問灌嬰城畔柳田園何處且須歸

圖傳竹石憶庚申負諾徵題日月奔吾眼已枯難一拭此灰
未死得重溫晚花菊圃栽嘗遍新水澎湖釣不渾去去只須
歸去好石邊瘦竹結深根

守風揚子洲晚眺西山用陶靖節庚子歲五月中
從都還阻風於規林二首韻

進退異遲速我亦隨所居秋風厲東北客榜成徐于蒼蒼際
天盡引矚非方隅修巒豈情戀不使首歸塗江流意終古下
注於洪湖奔騰孰相遣辛苦無由疎百年緬同此今日諒有
餘楓林靜多聽卽去將何如

青青巨百里雲氣斷續之羣真昔焉閱各與洞壑期迴颺江
渚外落日松林時石室少來跡寒苔荒及茲達生貴心適塵
溷安足辭徒然采藥徑彷彿爲人疑

龍津

秋樹時一林白葉清及根石土互遙岸荒碧猶苔痕繹夫蹴
苔去風葉穿翻翻下流見底水影落欲手援路紆流轉急水

涸氣不吞漫漫沙面澗
晶晶陽光温小山掠舫竦已忽
舵後村悠悠寄新目聊慙舒憂煩

安仁

榜人泝灘力客子看山心
瞬息屢前卻迢遙相淺深
平疇散荒舍絳葉明青林
微風曳冷煙白鳥將翠禽
郭門面江啟江上無秋陰
錦石俯可拾鑿茲毛髮侵
何必玉真臺慨然一登臨

北蘭寺僧送桂華數枝養盆盎中舟行五百里而香未盡曉枕有題用謝宣城懷故人韻

遠遊忽萬里曾不故人期
渺焉豫章郡已作夢寐思
清灘自終古短楫復何之
禪人折山桂香氣猶在茲
微風襲衾曉涼露落篷時
冥冥一相繫蟹子泉邊詩

貴溪

灘響枕上流始知船早行推篷起盥漱露色遙峯清我篙來
則帆或隔莎渚橫盤陀山骨老蕭瑟漁家晴卽境且深寓淹
暑無他營三峯意相歧霞采臨江生琮琤亂水竄沙礫高洲
成曲灣鬪夾勢微火搖孤城夢情逐雁侶戀岸知其更薊溪
寒可采鬼谷今猶名

過弋陽六七十里江山勝絕卽目成歌

邇峯三十二可凌靈山七十二最矜篷牕兀坐疑似增但送
遠近秋峻嶒一峯轉江江碧澄峯之插江以爲恆一峯如城
甄甓層如臺如筆還如鷹牛臥獅搏龍矯騰青霞千里縱橫
疑一溪落江橋隱藤溪來峯陰百折曾一磯砥江老模稜
痕四蝕如環絕崖懸壁削立一僧其居篔竹松鬚髻僧立觀

水風不與水色蒼玉光寒冰又峯壓虛冰玉承影浸百牒漁
收魯輕篙短槳婦女能得魚歸去麾之肱阻流安確灘聲應
稻堆屋山高及陵此沙可宿無繳矧草堂盍面峯開陸遠招
近揖皆我朋一林紅樹清霜憑一行白鷺涼煙勝

琴石行

南屏北高溪南石五色俯自探兒童競作盆盎供光出沙泐
非螺蚶厥一廣及寸厥修寸倍三青花鯁血視質似式復嶽
尾琴材參愛之爲作銘太古音疑舍把之不削手替麀資清
談絃之竟上蒼篋琴載之更過君遷潭霜林葉酣酣鬢影吹
鬢鬢蘇門天籟人誰諳風篁松雪情同耽

橘林

嘉實三衢種秋江百里陰倚梯人正采壓岸雨初淋香落蓬

船細寒遮碓屋深誰言千戶等不覺暮愁侵

蘭溪晚泊

日落江氣青邈迤浮於沙疎林平若截葉濃根已遮天光自
相映紅紫爲西霞霞收江欲霧灘轉峯何斜亂燈明滅見初
月微茫賒犬聲入篙舫渺然城一涯

去嚴州十里外泊

天影淺深水舫聲前後山以身入秋碧歛悅驚與鷗夕炊曳
煙素幽麓生山寒風肅有光氣水遙失淪瀾叢叢兼映月皎
皎方停灣蔚然竦孤覽蘊靈無此間露高山益斂星溼水自
閒感來豈成聽立久徒爲歎

八七里瀧三首

雪灘霧初豁風利已臨瀧連山夾岸去中有碧玉江山根互

開闢江勢隨之撞纖纖被岸草安知非薩汪人行出鳥道我
飯依魚在弱煙炊不起響絕前村厖

嶺松蒼且深灘石淨以黑喔喔一雞高人家負崖仄地力盡
豈餘活身隨釣弋終宵聽江聲終歲見江色門前岑箸收舍
後屬羅卽晴雨出何之東西翠成塞客如掬水嘗勞生此應
息

船行逐峯轉屢轉爲逆風峯峯當面起隱隱疑水竅來帆掠
峯出風力雲氣中我船送柔艣緩與江流東浪花風鬪激綠
散何迷濛上瞻峯影仄澹落陽光紅

巖灘晚泊用陶公和郭主簿二首韻

衆峯擁青林未覺凋霜陰迴飈適相阻意使留孤襟江末此
澄夕惜無人與琴祠堂鄰榜指寥落猶傳今星月動寒影山

高心肅欽漁商自投侶燈火方罷斟我思潤濱叟夫豈非同
音輝輝匡主德不在遺冠髻竄立空所際列翠何其深
荒臺已千古乃有一士節泠泠竹如意猿鳥爲悲徹此時靈
儻借風露睇清絕波流逝安極叢灌久成列窮達秉寸心孰
非忠孝傑每嘗幽曠遭與世未能訣悠悠篷底篇皎皎沙上
月

桐廬感舊爲龍巖李先生

先生諱其昌字念常也王子房師

瀧中風水聲就枕不能寐榜人誤曉月挂席已爭利微微遠
火生切切繁霜墜桐君祠下江十載故人至別館柳榆陰迴
崖弦誦地生芻唁私艱經帶見清吏南閩兩暑歸西浙一行
寄復鷹蜀川補遠叱雲棧騎開心歌貪泉映埗終下位悽悽
素旄飛寂寂元堂闕長歎哭諸寢再得經所治人民聚秋煙

樹木鬱冬翠森嶺迎獨客暗潮滴雙淚已矣平生言能無感
顛顛

柏林

漁浦潭西樹富春郭外舟相看葉如染卻得子兼收低映碧
山艷濃當斜照秋客心向鴉點亦欲擇淹留

泊舟鐵幢浦觀月用柳柳州贈江華長老韻

越山遙且隱吳岫近方寂江自接天光星疎絕雲迹浩渺簪
逢坐蕭然倚如壁豈伊識歸人聊用慰今夕村柝風錯來塔
鈴露疑滴萬慮莫能虛悠悠與寒積

十月晦小方壺同王秀才萬孝廉汪上舍兄弟分
用唐人韻得孟貞曜百憂韻

暫出忽卽歸復行亦何憂租田弗能種本不如彼牛報恩未

識所此劍元無譬迢迢向寒雨觀者盍我籌萬物之所苦一
士之所愁浩蕩參與商老大沈與浮白日不相借影爲長夜
留中庭戀巢羽溼宿忘啾啾

和汪上舍孟鈞用陸天隨雜諷九首之一韻

同焉丁憂人媿獨遠道適讀禮君閉關攜弟病嗚呢風寒有
今辰月黑旋此客急情出飯麤深語落燈白因知樸學親不
使墜聞隔宗法詳大小籀文明點畫迂疎一腔味濶略半年
迹鳳老梧則巢蠶饑葉斯食小人惟土懷君子至夕惕平生
嘗與要經術與金石

邳州村舍

築土爲短垣中有梨柿林其外更遶之枯風蕭森森場平碌
碕閒蹙鞠歡童心雞栖犬猶吠凍色蘆簾侵不知何主人晚

歸牛力任去州纔一舍作息於年深沂水之下流燈火清相
臨餅香趣供粥雜與酒酌斟謂客且晏起明當霜霧陰依依
媿主人我弗如園禽

汶河二首

日正寒威卻車遙古道勝艾山微有樹蒙水薄無冰亂石驅
方進危梁度尙憑各懷飢渴思馬與主人膺
殘月渾殘雪奔車竟覆車天寒俄至此世險豈難如涕淚三
齊外衣裳萬里餘恐驚泉下寐見雁不題書

滕縣

通順橋湮本無水沙河南北冰堅矣行人五見月輪圓觸熱
衝寒去來此僕夫歌謳雜吟聲枯楊怒虎風縱橫連山改色
不能翠今是無情昔有情

鄒縣

風饕日昃行復行魯將軍墓冬不耕蜿蜒拱嶧石焦墨沮洳
結冰沙碎瓊寒色車中人意獨孟家東西鄰可宿牆根合抱
古槐空記對秋宵陰蕭蕭

河間

喜氣羣生向春光太守催繕城高帶日除道坦收埃博士將
詩從諸王議禮來青旂待披拂千里柳新栽

宿雄縣倣孟貞曜體

熒熒寒歲身不隨百役休戚戚中夜心不逐萬籟收大雄自
言春小雄亦知秋風刀割牕紙忽此憑衾穉鼠出燈光青塵
落壁角幽壁復識我誰我與燈何求匆匆雞唱去去則爲白
溝月色照瘦馬冰稜生曲塹

宿蔣少宰溥揖翠堂後齋觀倪元鎮小幅卽用其

自題韻

詩跋云解后之年講主於婁江朱氏之芥舟軒中芝年
熟天台之教首嚴苦蕪之戒箴與語久之因圖并賦

苑樹猶遲小
霰開夜堂忽到白雲隈
燈明遠岫居然列墨齋
垂楊若箇栽
神侶稀疎春閒隔
客舍迢迢夢紆迴
何因得句
先呈佛起對東風
取次裁

除夕

一念三千里
哀哀拜旅人
燈寒孤几飯壁靜小堂
塵去歲藥
爐畔中宵梅
萼親祇應將
泣淚滴土不教春

先府君病中猶
手種盆梅一株

華石齋詩集卷第十一

秀水錢載坤

戊辰

拈花寺

開歲條五月悵然陶公言水邊立冰雪聞磬投祇園樞輔復
何人乃奉孝定恩諸天暨羅漢千佛今猶存寒聲鶴下枝午
影風生旛廊虛自東西本不尋沙門
先皇賜香在丈樹崇雙根花雕金與飾面面參佛尊偶來獲
所見卽去成茲番僧云海子上暑月蓮花繁

次韻裴少詹日修詠走馬燈

艷艷花光隊隊春夜遙誰道不如真火攻策亦狂無那兒戲
軍還捷有神烈士謾傷千里暮少年元榜五陵塵此中但得

分明在簾箔風寒任記巡

法源寺

勝侶及春溫重來十霜後門中柏兩行踰拱翠陰厚石函藏

舍利藥玉瓶何有

道石函一四而刻僧名及布施物件有云舍利五百粒在藥玉瓶內

石幢記天祿官爵

辨誰某

尊勝陀羅尼幢記一將仕郎磁州司馬劉某進

遂升念佛臺覺路一

稽首入乎無量殿

心誠仰勳

聖祖仁皇帝御書法源寺覺路

白石白

離塵黃花黃在手妙香天上飛現繞佛左右

皇帝御書楹聯翠竹黃花

皆佛性破除塵妄青松白石見禪心

沙彌操吳音茗供啓東牖海棠四三株開口見

應偶哀忠慕已湮寶塔頌難朽前遊尋未得摸讀爲之久深

壇磬無聲樹影紅扉扣水陸尙莊嚴時時勤拂帚

大悲壇聖明恭恭太后繪造

水陸聖像一軸

同行導西轉遙房關八九未免意荒蕪閒庭廣盈畝

先皇飯僧年僧戒於茲受嘗因故山禪往事向余剖東風亦

云何空色隨所取酌量門外窪引水可種藕

月橋作

皇牆一帶步周遭橋外春多欲喚舸日氣曉蒸雲氣暖鐘樓
新出鼓樓高水將鴨綠濃誰染柳解絲黃半未縵簇簇人家
檐色動花風後杏卻先桃

德勝橋東堤柳

積水淺未深橫橋東初放堤連似修帶宛轉逼南向種樹樹
皆官蘸波勝釀曉陰衫獨霑夕陰鞭屢颺西山澹欲籠不
隔女牆望公田映幾頃亦拂芰荷漲六月洗馬來紅綠一堤
上

題蔣上舍柵觀泉圖

莊生只狀時至徐子猶疑亟稱一勺但尋威沸千支仍別淄

澗

清明日出德勝門入安定門作

曉雨尼行色我初非遊人風寒日稍白復出穿重闕柳枝插
帷綠已歸墀祭輪素衣雜綵服亦各悲其親茫茫步屢踞欲
前未識因何許土城關鄒樂蹟久湮古壕漸東引萬柳搖煙
潛杏枝忽照眼淚滴胭脂新我初非行遊躑躅以逡巡出城
還入城此客多酸辛

題章虞部有大深柳讀書堂圖二首

水邊柳青絲柳上烏白項柳陰家釣魚水底捉羸蟀其間有
書堂此水名荻港

荻港不見荻書堂誰讀書棟雲去爲雨庭樹風蕭疎十載一
歸來悔不如蟬魚

天寧寺

送客廣寧門離愁鬱塞無可言望望十里村風吹近入祇樹
園園廢禪何枯兩三僧一甌圖鐵燈三百六十邊三千四百
鈴八觚謂余鈴響風歛夜往往現光若荷芙蓉昔聞漢明帝時
磬已失所在空仰敬重熙石幢字體適祇候書記見名姓羅
尼幢一重熙十七年前開門祇候文詠魯
王府隨府掌書記文昌爲其亡過父母建荒庭荒可憎誰來闢榛莽爾非
過客我非僧煩惱欲釋兩不能

白雲觀

豈爲南宗別重尋太極墟先生簑好在止殺語何如柏子微
風際桃花細雨餘十年登閣意祇益鬢毛疎

善果寺

浩浩龍華會悄悄白緱坊澹雲收卵色晴雪壓丁香愁以多

閒破春難薄暮長幾回看鮮碣未解說南梁

明成化宏治碑俱在寺舊爲南梁漢興元府唐

戒壇

日落我馬黃徑修夾雙壁一峯紫馳騁十八盤既歷

玉輦憶香花

康熙乙丑有御製碑

龍鱗樹穿巖遊金之所遺雲靜風微

激千佛閣崖負荷中乃有的遠見桑乾明線流割銀礫普賢

塔於左棠夢鮮可摘戒淨天月孤門人淚紛滴

馬鞍山故崇祿大夫守司空傳菩薩

戒壇主大師遺行碑銘王肅撰并書大安七年建戒成雍中賜號普賢仍賜依什云行高峯頂松千尺戒淨天心月一輪又有壺一大康元年三年門人與邑人當普賢遺塔前建

方爐明肅崇金像彌陀寂更讀虞韓文壇陰蹋瓦甃

其徒遺行碑二一虞

仲文撰建福元年一鳥韓昉撰金天德四年我頭識我誰我自與山覲白松敞蔭高茗椀

坐根喫

潭柘岫雲寺四首

澗石雜紫碧微泉斷續清村女聚浣衣相呼應谷聲寶坊入

深靜香藥娑羅生九峯展而立一峯圓獨貞試尋蔡居士石

泐無其名竹樓何道人嘗此琴孤橫明謝靈運嘉福寺碑云可憐大監戴義奏請賜金戴號竹樓道人善琴

聞之士宜柘今養竹千箇蕭蕭行殿裏其下流泉過泉流

滿寺分石筧長不涸竹根得先澗筍出蘚紋破前廊雨溼看

西砌月明臥牡丹百本香銀杏十圍大

菜園禮塔籠東澗風吹衣尋源不知遠西上於翠微滴滴滙

作潭瑤鑄潭上暉御製遊潭栢岫雲寺詩刻在石青青二龍子來去靈相依

偕行已先返我亦辭龍歸少師有精舍不叩松閒扉

生死心各營流光豈供玩妙巖足跡馱紫柏乃深讚東齋我

且寄無寐至夜半丁香雪自明牕影爲頻散山空萬感微露

下百年晏流泉遶堦去彌勒坐聞歎

曉起次韻舍利塔後石壁明昌五年所刻僧重玉
從顯宗幸龍泉寺之作

灑壁風淒鬢欲秋
昨朝登頓已前遊
堂開自溼青紅樹
鐘動初歸大小虬
有夢夢應歸浩劫
無心心不詣緇流
穿牆水響門中出
屈曲何時可暫休

化陽洞

曲蛇緣棧山椒及雨汗粟膚陰氣襲
白日中來凜初入青蓮
華覆露微溼穹如寶殿佛坐立
佛前茶煮洞水汲飲茶縛草
炬先執頭陀僕夫導擁集
胥并直下三百級石龍首
驤雷起蟄火少心恐步已澀
退上益薪進倍十乃知就
衍泥低高陽光迴仰射白
臺西一穴應渾河濤火投
無底風颺颺東乳玉滴明
於膏寒龜中伏靈蟠螯伸
頸向光殼脫毛炬搖電閃
驚

仙曹馬柳或立安馬槽狻猊縮牛磨斃森森半里垂壓尻
天井上燭雲周遭更一有梯升滑孫俱不見頂思之勞後者
呼出背浹袍白日欲匿長風號

重宿戒壇

偃松不可忘屢撫晚風定登閣有餘青語聲煙際應遂投西
巖下蔬筍燭光何澹茲盪粥噉世味去來證天低衲子龕星
冷幽人徑獨起意何憑中峯發金聲

萬泉寺同張舍人敬業

繫馬柳風輕山門閉犬聲狹蘆蘆還向渚鴉鳴不須城其地明末
樂開牧放
所鷓鴣僧罷諸方乞農分一水耕落花聯句地於我有新情寅

初夏舍人同諸
友聯句于此

水頭莊

清流與高阜深抱誰家墳周以萬垂楊綠陰車轍分野人耕
地處問答依斜曛壞橋石欹仄左右泉汙云平出十數眼滙
浸葭蘆紛東南自茲去食用連村殷漱齒復濯巾落英漂餘
芬更觀馬跑蹟靜少雞聲聞遊人不到此笑客何慙慙西山
了明滅半日忘鷲氛

碧水辭

白日郭南樓鴛鴦湖碧水水碧鴛不飛心爲故鴛死十五身
許薛二十郎問凶女雖出小家此義亦所同養母十年餘母
歿乃歸薛吁嗟年復歲何歲以同穴女誰不有夫人誰不有
身里中楊氏女愧我鬚眉人

得張徵士庚歷城書走筆寄荅

劍南歸來二年別唁我送我城東廬素冠棲棲走輦下漂轉

卻返章江艦雙節坊西讀君集渾河踏雪仍疲驢榴花相思
里門臥雨外忽奉山東書浙之方伯徒髦節處士在座吟明
湖睢陽舊遊假道訪卽去有待秋風疎昔年養親各負米今
者豈不因妻孥依人覓活實顏厚況君齒豁我淚枯書來竝
示故鄉狀苦雨米貴連三吳寄聲家舍但食粥猶勝道燼東
民痛近蒙

聖主大發賑甘澍渴望高梁蘇玉河柳條昨煖濕未卜園竹
平安無學曾干祿爲親在萬念灰矣何煩紆功名可爲古人
事乞保白日依林鳥先子素交零落盡紀羣之好疇能俱先
孺人銘托篆蓋以君孝行蟠黃墟有財歸葬若天幸梁宋亦
適迴轅車洲航山高古松碧憐我爲寫佳城圖

元倪宏爲黃原隆
寫林崖佳城圖

沈啓南集雜

三歲不爲株十日已如木黃花恰相對白酒亦初熟

吐必落索

叢生綠葉似秋蘭
莖比護枝擢好看
白雪層層單瓣放
玉簪面面小花攢
香踰佛土優曇烈
晚歷閩人未麗寒
攜近碧紗幘最靜
不知庭際露華團

寄題三世寫普門品經後兼呈從父觀察元昌

寒食上塚歲乙丑訪第五叔頤貞堂

從叔名元昆號適處

出觀二冊普門

品憶之鼻觀旃檀香肯齋先生楷法謹密道人印鈐左方

先生

警菴贈公行楷繼癸巳七月秋臆涼

贈公諱標寶

茲先蹟若

雙壁京洛一紀行勝將黔南隨宦觀察解佳日禮誦頻懷鄉

八分續寫寫久就遂且手自從新裝妙法尊傳有步武不虛

居士懺題詳

從父自號不虛居士

是日緜餘諾跋尾一負駒隙馳三霜既

遭私難走道路安得寫經爲薦亡蓬根北飄復南下遠從司
寇回豫章叔攜我手自言病子也更不遊蹤常但題一語慰
老眼那復去住都相忘初心願了法華義真實不誑以讚揚
小白華猶昧厥始遠巡豈敢加評量跋成司寇我仍負又犯
冬雪來漁陽孝廉歸里值今月從叔汝恭我心已逐南鴻翔適廬
眠食近安善菩薩像供生圓光昔聞救生寫敬德奉勅實自
高歡王又聞光明安行品觀世音在第二行傅亮先人義公
侶肅傳神異夢洗腸只今無盡意瓔珞愍受仁者心徬徨吾
宗詞翰輩出好講習不厭村居荒肯齋詩吟半完圃生晚未
聽聲琅琅警衲老人器我幼先子持我陪遊嘗堂前秋果摘
與喫扶我過橋穿竹桑南樓梧桐高百尺樹下長幼羅酒漿
中議公書淑人畫日有所作盈縑細中議贈公諱綸光太淑人陳諱書月明言笑

及諸從我時三尺立在旁兩房仕宦各南北卅載門徑溪煙
蒼叔歸獨理舊山業出入寂寞搖村船興來諸從也呼醉八
分往往驚中郎我曾請寫激湖記萬里行任隨巾箱可憐苦
越衆生內世外果有潮音洋去年從父詩送我拜讀未答情
深長附牋踐諾太艱縷勉保身體差能強從父附行時云家食不能
常涕淚溼行李遙知泉下情不向門前倚松悠
閱山川勉勉保身體努力在此行泰來勿憂否

淨業寺

鰕菜亭邊意菩提樹下涼隔城山過雨平岸水生香鼠窟藤
陰碧蟲鳴豆葉黃坐深何所得拈句付東牆

送許吉士蒞宰滎陽

策名登史館報國以文章未若郡縣吏手援斯民康三年廁
吉士一令之滎陽不爲汲黯恥田里歸其鄉非因薛宣奏治

劇遷而良 朝廷重芻牧子能愛牛羊邑中有殷溝往蹟疏
導長何以致豐年勿令饑饉傷邑中有服生建志名未揚何
以舉孝廉使我儒術光槐花秋雨後驛路征衣涼儻念客子
居立馬臨迴岡

拈花寺觀蔣大司農四言之作兼贈一慙上人

聞思大士意云何滿院蟬聲客再哦紅杏在林公綺麗羚羊
挂角子捫摩昨來登閣秋山見別後添衣夜雨過不爲鄉音
同浙水蕭寥隨分當行窩紅杏在林
四言句也

祝大舍人請假歸里話別二首

春雪西郊憶去程復爲聚散兩萍輕孔公忽過參軍歲孟子
還希太學名舍人年五十有二
余年四十有一居士維摩愁小劫侍郎碧落話長
生余喜聞禪語而
舍人愛道錄萬緣一笑都無就祇向人閒閱悴榮

故園伴侶各蒿萊
涵白書窻蔭樾開
蓴菜鱸魚吳下品
慶孫越石洛中才
康古豐玉兩上舍舍人物
關河若箇思
余甚尊酒常時謂
舅來寒坐定依池上
竹小春先賞嶺頭梅

觀倪高士水竹居圖卽用其自題韻

詩跋云仲和兄吳城宅中有水竹居

開其清遠兵後以其地處軍卒因遷居松陵南湖之上亦種竹疏渠婆娑其間比之城中尤清曠也

平橋複港士人居
石氣林光靜有餘
萊几展圖秋冷夜
銀鐙畱客茗香初
城中清邃嘗栽竹
兵後婆婆更種魚
俯仰承平身世幸
青山何尙不招予

懷陳丈向中西安

來自蕪城實後余
西江衝暑旋分袂
重騎代馬堅冰滑
已出潼關落木初
世路逡巡涇渭水
古懷歷錄漢唐書
塞鴻信斷秋還老
儻返鄉園有定居

丈壬戌入京三年歸客擢丁卯先後會於京及載去江西丈客西安轉客涼州死生分矣士子注

王五又曾春日金陵書來及秋懷之

金臺高見鳳皇臺瘦馬獨吟黃菊開頗道此間居不易卻傳
明歲客方來殘山剩水春三閣燕子桃花酒一杯何限斜陽
入詩句笑君猶爲昔人哀

懷從叔祖界歸州

南北相違動十年去年西去少書傳空船峽靜秋聲裏夔子
城寒落照邊詩句定分工部興吏民如愛嗇夫賢江陵明月
迢迢夢一夕風牽上水船

夜過萬孝廉於查農部新齋農部出移居宣南坊
用蘇公書王定國所藏煙江疊嶂圖韻詩並孝廉
和章見示遂亦和之

今我何爲思故山故山客在尋宵煙人生天地本逆旅就話

且復同其然津門查生萬生友神物乃合雙龍泉萬生常遊
載常處波流一紀如分川迴颺相吹意無極三影京國明燈
前我如不來爾不去則此寸步靈關天移居兩章主客竝主
人聖屋方新妍以人傳地各自有那必初白蒙齋田農部詩序云往者田

蒙齋田中移居粉房巷和詩編都下而吾家初

白巷主道院槐移東三集俱以萬屋名其詩

東鄰小堂載嘗住

皇帝御宇之元年萬生來尋旋來送記否簾月春嬋娟短牆
高樹望咫尺借問紙閣今誰眠百年妻孥偏家具雞犬卻笑
圖神仙兩人去家身鬪健似若無累于塵緣查生置榻古藤
下春日共賦藤花篇

寄王五

燈光豈不明帷軒亦有尺紙百數番每懷作書送君處操筆
輒止將何言我遊君勸子吾阻天各冰霰衣裳單子旣不能

魏人伐檀賓河干我又不能廢著積著書馬遷學非經濟此
安用識一丁字長虛辱鳳皇麒麟應時出采芑旂旄車嘒嘒
錦官一軍略西徼銅鼓百面收西番蔡州雪行鴉鳴隊宣撫
夜度崑崙關儒生豈無敵愾志許國必在韜鈴嫺寂寥寂寥
良自取佔畢佔畢真徒然夢歸疇昔夜與子梅花前雞聲過
橋巷月落臨河煙花前有愁寫不得童子偃睡窻風旋

寄汪上舍孟錡仲鈞

與君兄弟處使我聰明開孰爲久此別安能望其來把卷忽
將語盡日不計回年長寡輔助境新多刪裁蹴踏九衢塵心
儀天下才無由逐騏驎笑鴛鴦一月不一出寒風室徘徊
徊青燈見古人顏色曾何猜山川愛玉璞草木驚春雷元氣
有必洩豈得長胚胎我里數君子鄭重深培栽高松冰雪際

芥茫讀書臺

芥茫讀書臺

十一

雪懷陳明經經業三首

鄉人數南至經歲問音書對雪寒無藉思君嬾不如秋堂新
稻入午枕濁醪餘生事雙扉闕從傳與世疎

篋書長與借手勸若相論城擁湖風響臺明苑雪痕饑鷹高
不落僵木溼猶翻爲報今朝事微吟向寓園

故園當已雪君定幾篇詩折竹聲中得煎茶味外思吾人年
歲遣各自寂寥隨獨有麻衣淚都來兩鬢絲

題顧孝廉鎮毛詩劄記後

子夏不序詩昌黎語初揭夾漈攻已厲雪山廢何決斷斷紫
陽翁序旣頗采列淫奔二十四自作得無媒遂令後賢心於
此未能折沈重與范疇源流各疏別要之毛公學近古少類

頤康成收三家尙欲補其闕逆志不以辭亦惟援據切孝廉

家補溪箋傳獨穿穴其先宋遺民作歌見風烈孝廉之死細一翁

海奉詔訪求人材以名臣被徵乃避地常熟其詩有云吾貞所志在西山芙蓉之荒莊紅豆春可摘此有紅豆

翁手植後屬于錢名紅豆莊樹伐且四十年今仍歸顧氏復生一本君也老著書樂歲飽糠粃劄記毛鄭

朱而旁及羣哲相逢在京師同舍門晝閉寒燈時解頤五

十頭未雪明年入太學將爲諸生說孝廉以學正薦蒙 紀名

題顧孝廉洞庭秋汎圖

五溪九江滙此七百里岳陽樓前八月水桂舟有客湘江回

神鴉迎舞荆江開君不見黃陵山高黃陵廟鷓鴣一聲相送

來嫋嫋兮秋風木葉兮微脫吹參差誰思寒芙蓉木末湘君

所遊之青山朝朝縮結十二鬟中有地道通包山安能送子

須臾還竹枝歌怨吳歌樂橘社東西采蘅葯

甕水行

甕水甕水女心女身我不知甕之如井爲瀾爲淪乃沈張氏

女

句于天津

解一

王家郎將昏疾耗來女啼先夕縫我白弓鞵

耶孃兒嫂小妹知竊竊防護左右不離

解二

三月二十日其日

女蚤起粧飾事事新兄嫂問所以荅云天后宮賽神處我當

作午飯便去逐耶去

解三

女入廚釜水乾甕空獨走空屋看呼

僕擔水滿甕手注釜呼婢執爨手切蔬碓几有聲俄頃無言

解四

弓鞵換著急疾恐不令婢聞門扇動

女西東白弓鞵見大呼來救女身倒入空屋水甕中其時母

驚寢嫂妹弃女紅父兄出未歸廚火日下春

蘭芝清池非上虞之江水兮非水使三年而化碧又何必化

妃央雙

解七

萬孝廉屬題高生跋漢五鳳二年墨本

魯殿西南釣魚池明昌掘得西京遺甄耶石耶我未見是篆
是隸君能知去年三月拜闕里同文門下手拓斯諸侯王表
紀年誤据石辨表煩相持昔傳曼卿曾作記高氏家法多書
詩冊中論篆孝廉句也學論詩元裕之

循初書近詩論
篆絕句以題

題馬孝廉榮祖玉井蓮圖

青柯平上純青松蒼龍嶺頭多迅風西峯高不及南峯東峯

玉女峯之東抱獨老人所畫不可見新圖有此將母同

明洪武間崑山

王履遊太華作圖

君家舊是扶風馬轉徙江都蜀岡下年餘四百長雲

孫里越三千夢粉社故遣生綃出秦隴昌黎古意橫飄灑鄉
人盧橘坡老懷祖德東山客兒寫冷香曉色天邊翻誰其栽
得連天繁我今問花花不言燕山冰雪明窻軒我聞仙掌之

掌本非掌洗頭之盆亦非盆豈有玉井顏而況如船根請君
襖被擔我亦芒屨繫腳時故園西相將尋自帝鐵鎖攀登李
耳祠節枝驚破希夷睡形勢潼關下瞰多湯湯渭水黃河逝
男兒不經濟歲暮日已斜五岳復五岳何處無煙霞可憐昌
黎公痛哭寄書還別家愁君茅龍騎不去卻憶邵伯湖邊花

龔翠巖畫馬歌

沈歸愚少宗伯徵賦云係白描十五肋俱見

大內後有高文恪畫少腹瘦馬行

瘦馬一匹無多墨肉消骨張十五肋千金市駿珊瑚收此畫
人間見難得宗伯曾觀遺作詩我詩想像空毛皮祗云後有
瘦馬行書者錢唐高士奇我聞虛谷翁家有玉豹龜城叟實
爲之貌叟詩隳括伯樂經十五肋亦憐其形翠巖爲方虛谷作玉豹
馬虛谷以長歌裂
以詩報謝有云頭爲王欲得方目爲相欲得明春爲將軍欲
得強腹爲城郭欲得張絕憐此馬皆具足十五肋中包脣腸
寄天台僧今圖知孰是欲辨誰當能房精房精仰霄漢銅式

何如宣德殿負轅不少太行鹽挽磴非無朝邑麪少陵碑元
詩客傷東丹豐肥畫師賤夷吾用智孤竹年廣利成功大宛
傳嗚呼老龔請寫中山墨鬼與鬼仇嗚呼老龔雪髯三尺修

唐花

上擔糊藤角藏坑熱馬通奢華非月令發泄極人工市有江
南樹春成輦下風一聲太平鼓元夜牡丹紅

黃子久富春山圖卷

沈少宗伯徵賦

井西昔歸富春居適與無用禪人俱其居南樓望江虛釣灘
窈窕鄰桐廬其時興發適與圖白紙二丈江雲鋪董源巨然
腕底驅閱三四載成徐徐出山作止心何拘嘗歸石田又亡
逋石田背臨聊自娛按而索之異蟾蜍節推樊公兼得諸後
世子雲來中吳

石田跋云後世自不無揚子雲也

畫禪室靜天花敷摩詰雪江相

竝姝杜陵蘇李吾師乎

蘇文敏跋云藏之書神室中與摩詰雲江共相映發吾師乎吾師乎

井西之畫右

軍書斯圖稷帖非官奴既歸問卿彤影徂炤痕卷首將焚如

欲殉不殉焦桐餘

問卿吳之矩江村銷夏香生

對友吾可考真憐渠

春風樂聲闕清都太平

游藝左右須至寶日侍卷以舒已

歸天上人閒無石田臨本猶泥塗幾時得見亦大坐去年七

里瀧停艫看山不訪黃羽閭今年銷寒詩及余燕山回首瀟

江趨用耗白日愧壯夫

擇石齋詩集卷第十一

蕪石齋詩集卷第十二

秀水錢載坤

巳巳

遊真覺寺萬壽寺同申孝廉大年

高粱解凍碧溶溶春色枯楊更遠峯
五塔尙傳中印座三山曾賜大璫鐘
客來吳楚如雙鶴曹植詩雙鶴俱遊僧近雲霄見六龍
各有晚懷攄不盡題牆畱與薜痕封

觀蔣文肅公所藏趙子固定武蘭亭五字未損本

卷

春寒吹衣返竹房小溪捧卷展我旁
肥本唐揚世希有紙墨尙爾凝古香
初自烏臺盧提點而屬白石姜堯章
蕭千巖孫季木所彙齋乞玩神彷彿
二十年間往來屢出蕭入俞逢歲

荒古銅刻漏滿師易高幹辦者復取將中洲誰留要眇望靜
女不見踟躕傷十五城壁半萬券定盟躬聘馳秋航三十三
年始入手載之歸去風帆揚昇山風饗覆且溺持此屹立溪
流長性命可輕護寶物烘焙不壞投僧廊干巖孫來重相示
恍如隔世愁茫茫勝國白侍御攜避流寇畿南猖金陵
不居會稽入繡佛作伴香林藏一朝遠寄退谷叟獨孤松雪
情難量研山之齋又無主乃在相公揖翠堂區區劫歷宋元
明忽忽跋到高王張文格上奇大詞
豐鴻綺文嚴照保母軼志嘉秦拓絕品庶幾
堪頡頏浮生袞袞各戀戀過眼了了彌偃偃梅花無言自虛
牖今者陳迹還斜陽

大光明殿

登豐門啓旭光升薜級瑤壇陟上層元始受釐傳世廟甲申

祈穀記思陵春風羽駕諸天樂白雪丹房五夜燈猶奉
盛朝香火在滿欄松影許人凭

清明日登覺生寺鐘樓

曾家莊靜叩春林

世宗憲皇帝御製碑曰西直門外曾家莊闢址夾城長林佳茂

永樂鐘洪發敬

心佛號銑于無隙地

帝歌鏜鞳有元音

御製覺生寺大鐘歌并書勒石於左

寶欄十二低山翠沙界三

千澹文陰楊柳遶村成冷節獨於天畔數歸禽

讀書愚果寺二首

藜光橋外水水次闔扉清看綠楊枝色聽稀杏酪聲鐘魚隨

佛課車馬任人行本自無他爾奚妨習懶成

過眼平原賦銘心大德書過觀音里天竺閣所藏超文殿文賦墨蹟花前橫卷盡雨外

故園疎子弟應愁我文章已誤渠東齋勤灑掃苔蘚日何如

仰酬桑先生四首

江國復江國東風無鯉魚大梁亦何在十日兩奉書長歌竝
回復紙盡意有餘書中謂我子他日教可徐父子及於門感
激生歎歎歎廿年事弱冠請見初安知有我子復進灑掃
祛高雲不私澤宛轉爲菑畚其父弗克力猶望其子如

我初從遊日我父母在堂人閒愛憐心父母於子長教之復
悔之我父母已亡兒行及中年忽忽以偃偃偃益追往於
我師難忘師詩况相逮師書詎此詳我懷鬱終宵塊獨霑襟
裳

素衣三年客免喪方及茲貧不守故廬那能復悔之疚心匪
一事默默慚於師作書答來書作詩答來詩涕落不可止南
望黃河涯

日出師曠臺草生軒轅邱雍雍書院長禮教乎中州中州厄
明運河決城沙留洛學其可興山川風氣瘳我今亦何爲長
安之道周人生無百年百年條以迺守身如執玉懼爲君子
羞君子之所羞考妣之所憂

題諸編修錦高松對論圖

禾城尙書宅項公一松栽故明翰林典宅居松久偃蓋成上
有鳥巢高下有井甃清清泉潤其根好鳥相與鳴掩關日對
之抱膝無所營朝朝松露色暮暮松風聲誰能識此心併不
期阮生

盧舍人文昭徵爲徵君存心六十詩

一千五十言徵君示子章憶在甲寅秋俱客於桐鄉詩成最
先讀溪榭聲琅琅其時不知貴謂但昌黎方邇來十五年離

合紛難常所遭天下士無若徵君良轉憶同徵時同車行高

岡赤日山東州我眼病在睚

入聲

念西泠莊

菱荷水風語蕭蕭爲我涼倏忽及今夏京遊寓黎光

橋

舍人

晨送卷刊得前詩長一讀彌繾綣再讀復慨慷徵君六十矣

寂莫依林塘教子子旣成名以孝廉揚家學古文詞行登著

作堂不媿外祖馮不媿外舅桑凡詩之所訓子也虎力當徵

君貧自樂孺人職能襄柴扉白日駐一簾名山藏往時桐鄉

遊桐樹應不忘我年未三十焉知鬢髮蒼周旋亦許我極不

極相量德業久無似對舍人彷徨何以壽徵君浩歌歌莫詳

南歸亟載酒醉酒同室觴

同萬孝廉

光泰

過周上舍大樞二首

燕市十年多重逢情奈何漫將鴻爪錄

上舍撰鴻爪錄內辰同徵二百六十七人之詩

且

欲鹿鳴歌玉筍生楊柳青山別苧羅夢回風雨夜春又客中

過

憶卽招尋數

入聲

譚須別去遲酒壚王令預川水陸生悲同

邵明總昂

萬子顏猶赭周君鬢未絲今朝值錢七得不虎頭癡

拈花寺禮從曾叔祖妣陳太淑人白描觀世音小

幀有賦三首

香花供養見高懸陡憶秋風十七年成像已教成佛去旅人

稽首一潛焉

雍正癸丑見
黃子印第

句句難忘件件思小來親受佛恩時春城月落金鐘曉猶感

慈容出夢遲

今年太淑
人曾見夢

女德居貧近代無一生補紡績工夫重華宮裏親題識

寶笈今藏道統圖

太淑人有歷代帝王道統圖經進絃
藏石渠書及圖凡十六幅末幅有補紡小印一

馮給事秉仁輓詞

千里章江照使星，秋宵借我上秋屏。

秋屏北

侍言早識闇闇性。

曾官侍講批勅方期謬謬形孺子，未能勝節踰高堂，何以制頽齡。

永光寺畔槐陰綠，從此車輪不忍經。

聞止海澱人家二首

窈窕城西墅，茗竈

苑外山入門，篔簹翠溼臨檻端。

絲闌方沼

新泉聽平臺，仄磴攀夕陽，何太好爲傍繚垣，殷

緩步履生香鄰，家打麥塲黍苗今歲盛，豆莢莢畦長習射瀨

穿的催詩未就章，高林聲不住，添得一蟬涼。

西堤二首

巴溝轉車問露溼，青青苗金堤高且曲，夾以垂楊條，我登見
西湖映蔚蓮，菰餽黛峯如玦環，百里江南遙，循汀跨長板，紆

直波光搖 龍舟時汎之絲絳牽相趨 葱蔥遶 禁苑隱隱
聞鳴蜩欲識東雉村何處西勾橋

堤白淨無草勢通巨麓長輕風蹙蹙響已至龍王堂老僧揖
我下同立門前涼髮髯西冷西文禽遍回塘爲指玉泉椒芙
蓉說明昌 御園今選勝晨色紅周牆稽首香山香菩提松
際坊

聖人避暑來縹緲慈雲光

送裴詹事日修告祭南鎮

西番歸降夏麥熟典禮嘉邕明堂開遣告嶽瀆暨陵寢儲端
華重揚州來掖曰具區鎮會稽嶠東之山 國史推五朝國史順

治初定會稽縣祭南鎮會稽山

弓劍下有耘鳥田每每祀山不兼祀陵命牢具圭幣祠官陪

五音飭兮澹容與皇耆其武懷柔該淵河東西神我福民不
疫癘年無災詹事詩廣柏梁上椒房率更領其材千巖萬壑
應接暇翠管掃落苔垣苔迴颿小駐明聖曲六月荷芰風襲
衷自言必踏北高頂要看紅日生蓬萊理安九溪十八澗修
竹此際雲棲隈憶傍春江六和寺題名寶級空霜埃舊行遊
處付星使僂指返 闕涼秋纔秀州道出訪我里煙雨鄉味
羨謳催

題王學正延年紀夢詩後

國子先生冬病痲夜夢有適戶闔扉立者胡來陳承祚坐者
不識習彥威三揖立者蒼且顧一揖坐者寒弗揮立者乃指
坐者語帝魏之正其庶幾前身後身君豈憶蓋卽寫此吟依
侻白頭累舉猶未第史學可傳復何祈風寒夢回記其二

十四字懷珠璣足成六章章四句說夢向人人笑譏我思魏
紀蜀吳傳去聲魏帝蜀主書誠非尸曹參軍在郡日評品卓
逸垂聲綴炎興建元天實命況斥覬覦溫心微其文雖亡其
義竊續後漢書尤暉暉君家史編昔經進稽古之力儒冠衣
元和博士亦我輩 聖代耆宿章步非古人見我我見古不
夢而夢精靈依阿堅尙比得二俊那必釋道安同歸

秋曉

啓鑿篇

七月八日南
百情恭紀

行宮天碧金鐘鳴山下萬帳紅燈生人聲馬聲及車聲肅肅
併作清風清綠楊如雲 輦道平

皇帝御馬雲中行躬導

慈輦百祥迎

天儀有粹歡童嬰承家細

祖之經營 視邊秋獮秋今成宰相以下羽衛盈駢絡繹
發大營雨師飛飛一舍輕沃壤已見五柳城螺山插天天澹
晴

九松山

馬頭松影落虛嵐攀躓隄窅徑可探九樹昔栽何代手千株
今庇化人龕濤聲白絮河遙答黛色金溝館近參一自清風
發 天藻徂徠秀不擅東南

御製有九松山詩

要亭

乍過芹菜嶺濃樹瞻 離宮垂垂天外雨摺摺旗邊風周廬
草如毯絆馬藉坐同掘坎以爲瀆窳煙青且紅滌洄要水來
大小黃崖通古城渺何許星影沙畦中

出古北口

兩崖峻偏容車軌徐武寧之內邊是昔時居庸喜峯松亭聯
絡平薊鎮列砦屯營二千三百有餘里斜陽莽蒼駐馬蹄慨
然口外山高低英雄天眼盡地險終明一代爲防隄宋宗燕
薊不收復三衛文皇弃何速只今沙漠皆耕桑關北亦似關
南熟秋浩浩潮河風鞭梢快拂斜陽紅我行乃到蘇轍鳳州
西興州東

蘇文定古北口道中詩六場
夢中詩謂道廣州東谷鳳州西

度三道梁至喀喇河屯

微雨滌殘暑新秋加晚涼紅欄綠棧出碧澗瀉山長薈麥花
盡雪楓林葉未霜時復見村叟了不知羶鄉地形沃且衍峯
色秀以蒼千家完邑聚萬帳衛宮牆川巨收衆壑陂高接
遠岡來朝臣

翠輦攬勝吟清光

什巴爾泰

平沙四山展小聚百家高語半他州雜形多薄業勞充腸餘

餽飪注琰缺葡萄卻望垣西利新松起翠濤

行宮傍有安福寺

木蘭詩十五首

環山度圓址黃布爲周牆行殿繞護軍旗門開正鑲三駟

寓九伐田禮遵

仁皇我

皇神武德今年靖天狼從官肅聲響雲帳森沙間翠花雜紅
子高下暮有光

白露朝已零順時乃進哨

聖人駕玉蚪虎士臂黃鸚山綠勝江南濃苔樹陰照高瞻澀

難上大嶺如壁峭穿林仄輪轅與馬爭悍慄千峯壯九秋萬

里歸一眺

誤入獵所行回鞭一神悚羊腸屈注來屢試踰溝勇

羊腸名

豐翳坎虛墮之不旋踵謂墮止頓近可知風旗望高巖僕夫

吻燥聲亟飲以馬掬

塞行所見準山夾亦樹交谷深坡且展休騎如居巢宵清雨

點響羶屋同團芽還成滴遙聽漁汎蘆葦梢霧色曉未遽適

當停鞭稍開溝周住處煙密連鄰庖

宛宛谷乍通霏霏霧初斂破輪豐草闕香出蒿與歛疊縹緗

如縠連林蒼似染采樵夙有禁長養歲方漸遙瞻國勢合正

覺日光閃下走紛鹿羣上飛絕鴉點

車攻旆悠悠卷阿鳳翩翩一家樂恬熙萬里靜塵壑野草亦

有心路傍榮所賴日覺深山深日忘大漠大大坡忽以豁高
立數峯最深峪忽以迴翠復數峯外乃知開闢間造物方未
艾

夜蒸雨徹曉凍天已晴雲氣若飛絮山坳寒不輕濛濛日
亭午秋暑背汗生涼飈振空起突作奔雷聲雷轉電隨電珠
幾撒地明電收電旋止山迴風清清

度嶺始跨馬嶺長步履休自顛曲折下楓夾樺林稠又前見
翠壁奇絕無與儔山秀土更肥轉坡勢莫收氣象乃爾闢昌
昌匪幽幽厥產富麋鹿是爲巴顏溝

翁牛特之地平若水行舟迴輪過湯泉春煦生做裘疎林昨
暫駐今復遙相投掘井所得渾砂石難深求鴻濛氣惚恍夜
聽談天鄒王禮秩百神山靈紀遐取

取洪劉諸君命往圖興安
大爺廟爲百海喇嘛之靈

午晴看山行緩纏何知勞驟來雨淅淅卻不風颺颺須臾雲
吐納斷續青周遭雁排人字去天與秋心高雨疎乃有雪雪
密如翔翽旌旗萬帳灑楓榭千林韜江鄉八月際霜未盈蘭
臯快從沙磧見寒士爲之豪

峯秀林益茂月高澗逾清出林看團圓就枕聞琮琤朝來宜

秋帖

奎畫傳宵情

御製景前歲中秋帖子韻四首
句曰帖子宜秋我作師

旭光竝峯轉坦然

踟前程右峯虎踞伏左峯龍盤行合沓占大勢迴環蘊元精

啓予至靈境歲邀

帝歌聲

御製中秋帖子句曰啓
予千古塞垣山

曉行入一彎仰見秋樹冷半紅半青黃人曰達陰嶺樺樹十
萬株密密直於鍼日光照玻璃葉葉晴不陰楓樹或閒之葉
紅點我襟越嶺盼左右亦皆楓樺林山黃地半青草深霜不

任落葉松如何根有絡緯吟

塞外松別一種涉
寒落葉曰落葉松

放鹿

聖之仁御製有放鹿詩哨鹿仁之勇御製有哨鹿賦大哉發元音

天筆何典重允惟文武德自中及外欽四十有九藩示以懷

柔心諸藩荷燕賞園口趨駸駸願吾

聖仁主秋獮歲必臨

秋林早晚佳秋山往復好日行秋色中矯首感晴昊大壁削
造天裂紋黃瑪瑙千尋落葉松分榦根及杪是松與是壁會
見畫者少徘徊飛夕雨至曉開巖曲薄霜被黃沙寒意在馬
足

矮樹亞枝密如遶梅林中巔石竅半月天光透玲瓏下帳昨
得雉上馬今聞鴻撤圍屆茲辰鞭馬馬步同西出兩峯口萬

燈中夜紅回思千山雲有夢時來通

金蓮花

葉綴莖邊細莖分葉裏纖色黃舒瓣疊心凸吐絲繖夕照平
沙際涼秋白露露采之頻下馬如向佛前拈

題劉閣學繪塞上新詩後一首

俞騎秋迎納鉢開塞山千疊翠于苔獵場自用鷹鞞臂祇取
諸臣橐筆來

水草方方撒帳斜清詞句句壓拳毬佩刀漫把秋醃割此是

邢君芍藥芽

元深勳邢君嘗製芍藥芽以代茗飲

中關至熱河

雄雄勢成隘插漢峯多青澗柳冷含旭村楓深蔭屬鐵華壁
峭仰虹影橋低經載雞車箱叫負鹿駝背腥歸疾意競出趨

分呼遙聆擔輕鸞且旣店滿炊方馨稻堆晴簇簇柔畦嫩冥
冥碾子溝瀉玉雙黃寺開屏蟠紆巖壑萃菁洩造化靈莊
東見石挺雲碧花丁星

至後二日雪

秋雪新從塞上看歸來冬雪病餘寒山川跋履虛鞭鐙牖戶
綢繆實羽翰地底陽回飛玉琯天邊瑞應上
園壇儒生僵臥尋常事祇願豐年萬國歡

田盤松石圖爲少宰佟公介福畫并賦長歌

堂花已發紅牡丹映牕曉不知冰寒墨融雀瓦潤湘管特遣
秋色開田盤田盤之遊詎云暢半日歸來坐惆悵石憶中盤
松上盤下盤水落今難狀我今畫石先畫松濤聲直拂紫蓋
峯天成寺之上李靖菴之中歡喜嶺之西仙人橋之東遙攢

辦襲不一致石昂不翔敲不墜峯峯累石千億成千億石罅
松根生石以松瘦皮膚青松以石老鬚鬚橫是月鞠有黃馬
蹄陪遊滑躡霜公登舞劒臺側帽天風長歸來期我畫我夢
依香界邇承

詔舉明經儒公章薦及山澤臞欲施斤斧與礮斲興詠轉益
情縈紆石一卷松千尺濃覆苔痕照春碧茯苓結琥珀凝石
所望兮惟松能

朱大明府

沛然歿於江西四月七日靈柩歸里五

月二十日

載之聞耗六月晦日久而不能哭之以

詩今聞將以十二月八日葬於桐鄉某原賦寄輓

詞十五首

載於倫紀地至痛不能文積月銜清淚經秋對斷雲南昌何

處是丁卯此生分萬古章江岸明明竟隔君

尚有平生意今成未盡言輪迴寧再友夢見已真魂暑路棺

新返貧妻塚舊存無兒惟寡妾做屋哭空村

何取科名得因之病一官五經成進士三載罷高安祇與遺

民愛將爲後世觀嗟余猶應舉燈火讀書殘

乙巳秋相見樓牕桂正花符飛燈焰轉乚叩月輪斜借道詩

兼筆增勲酒更茶賤貧磨少壯悔不學仙家

移居水竹居苦憶種梅初夜火孺人議春陰佳客醪冠須我

道德帚欲傲樵漁早付冰花覺淒涼一夢疎絕止丁未君種梅於偶
圃酒花時同社過飲

宿馬車有句云正黃昏月蒼苔冷
橫兩三枝數點明盡畫後所錄

僚婿爲媒氏周旋得舉觴禮嘉緇五兩冬孟日三商自昔開

心許于今俚指傷豈論成宅相身事半蒼茫

迴環憶元祀合璧在京師得意看花疾多端索米飢胡術今

夜月涕淚數篇詩颯颯枯柳響魂來但不疑

生別非死別語君長別鄉二觀齋夜月辛酉歲秋霜宛轉之

官亟參差入幕許卻因思所去益歎仲卿良

夢不章江到秋纔客邸逢心懸館宦況目怵病僧容段段楓

檐話頻頻薛院蹤歸歎吾勸子亦謂肯相從

君留我入京苦語寄深情此夜函重發孤燈淚盡傾誰令歸

計緩孰使旅愁盈掌教鵝湖乍行藏卑一生

聞道還靈櫬桐鄉水廟棲白衣來客弔紅血有鵑啼宅在人

從典碑虛我欲題昨朝方會葬獨限紙錢攜

長年應早逝常日每相要各以束芻致都將歌薤招天荒新

墉雪夜黑遠林鴟歸去吾盃飯清明必歲澆

悲君李氏子襁褓育於朱甯姓情終黯歸宗路亦無爲言三

黨近能卹一姬無只此亡人繫休令絕繫蘇

數整髭太短一笑語多諧園後船常纜湖中節早排詩皆號

南郭戊申冬君偕陳二乳東視大像堂王酒卽睡東齋此樂今生過當

時豈不懷

朋經陳二暨舍人祝大復有秀才王五貧最數同盟好俱爲

異姓親天涯遲會合地下求沈淪不識他年淚誰饒後死因